

TENDAA NENSAABA ZAA YELESOOBO SOBIE MOJLOO

A YELE YUOBO

A yeli nang bebe la, ka neE zaa bang ka nengsaala emmo ane o yelsoore seng la taa a nengsaala boorɔ poɔ; a nengsaala mengEsoobo ane o yelmengE noba zie la binne eng-maarong ane yelmenne noba zie a tengazu.

Ka nengsaala kaa-ba-nyE e ka tongfaare tong ka noba banang nang taa teErong veEle nyE posããna. A yELE ama eE la ka nengsaala zaa nang boɔrɔ bone ne ka ka bie tenga benee nengsaaba zaa nang so ba menne a yeLe yELE zaa ba nang boɔrɔ, a puoro puoru zaa ba nang boɔrɔ, a ta zoro bebiri kang nang.

Ka a da sengEE la ka anang ba fere neE kao e yeli nang fere o, a kũũ ne o baao poɔ ka o faa o mengE dɔgrong poɔ, ka ka a yelmenne tɔretero la guuro a tendaa zaa noba yELEsoobo sobie.

Ka a da sengEE la ka to-ne-tɔ nɔmmo yEle a tendaa za.

Ka a noba nang be a Tendaa Langne poɔ leE maaleng nyɔgEE ba yeldeebo a a yelmanne binne nga nang guuro a tendaa zaa yELEsoobo sobie poɔ, ka dɔɔ ane pɔge nang ba gang taa song ka nengsaala maaloo ane o mengEsoobo yELE gErE ninge a tenga zu.

A tenne na zaa nang be a Tendaa Langne nga poɔ eng la noɔre ka bana ane a Tendaa Langne na nyE a tendaa zaa nɔngtaa, a engnE a Tendaa zaa yELEsoobo ane mengEsoobo sobie.

Ka ka neE zaa bang ka a yELEsoobo sobie ama ane a nensaala mengE soobo la yelkpong nang be a noɔre nga emmo poɔ.

Pampanga a LE Zueng,

A TENDAA LANGNE NOBA LANG TAA

moɔɔ la:

ka a TENDAA ZA YELESOORO SOBIE waa la bone noba zaa ane tenne zaa nang na moŋ nimir k'a nye eebo. A lezueng neE zaa, bee nengsaaba langne zaa na taa la a yELE ama teErong tegtegle a erE aneE ba wuloo poŋ ane ba zanno poŋ a e k'a yELesoobo sobie ane a noba mensesoobo yELE duoro saa kyE erE beELE beELE tenga zaa poŋ a na e k'a tendaa zaa bang kyE tuuro a yELE ama. Tenne na zaa nang be a lammo nga ane noba na zaa nang kpeErE a tenne na poŋ, a lang ne a noba banang zaa nang be tenne na zaa ba nang di naalong a zu.

DorE 1

Nengsaala zaa ba nang dŋge so la o menga, ka o ne o taaba zaa sengtaa noba emmo ane yELesoobo sobie poŋ. Ba dŋgeE ba zaa ne yEng ane yELE-iruu k'a da seng ka ba erE yELE korŋ taa a nga yŋmine.

DorE 2

NeEzaa soobo la a Tendaa zaa yELesoobo sobie ama nang be a gane poŋ; a ba wullo ka neE nga waa ngaa ne ngaa; a nga balong, bee o engE waalong, k'o waa la pŋge bee dŋŋ, o kŋkŋyela, puoru na o nang puoro, o teErong nang are lE a tenga maalo yELE poŋ, o tengyiraa ane o aroozie a tenga poŋ, boma o nang taa, o dŋgebo zie bee o arezie.

A la waana lE puoreng, gyegru kyebe ane neE teErong nang wuli o ka o tuuro a tenga maalo yELE lE, bee bone na naalong ba nang dire a tenga na poŋ a neE na nang yi, ka a tenga na so la o mengE bee ka o be la tenga kang nuureng, bee ka o nang ba so o mengE, be ka yELE mine bebe la a pŋgrŋ o mengesoobo sobiri.

DorE 3

NeEzaa taa la sori ka o taa nyŋvore, ka bone zaa ta ngmaara o sobiri o yellerre poŋ, ka tuo ta be o zie.

DorE 4

NeEzaa ba taa sori a taa o tŋsoba ka o waa o gbangbaa bee ka o tonŋ gbangba-toma. A ferEE la kaa

gbangbaalong ane nengsaaba koɔro ta bebe togtog yelizaa poɔ.

Dorɛ 5

Neɛzaa ba seng ne engɛ dɔgrong nang gang, bee potuyɛlɛ, bee dɔgrong zaa nang ba seng ne nengsaala.

Dorɛ 6

Ka neɛng be zie zaa a ferɛɛ la ka a tenga na deme de o k'o waa nengsaala a lɔɔ poɔ.

Dorɛ 7

Lɔɔ ninge poɔ noba zaang sengtaa k'a fere ka a lɔɔ kaara ba zaa zu ka gyegru kyebe. A yɛlɛ ama moɔloo poɔ kyirung la ka gyegru bebe neɛ zaa zie, bee ka neɛ dɔre ka ba gyegri neɛ.

Dorɛ 8

Ka neɛ zaang taa yeli a gaane a sɛrɛɛ diibo zie, a ferɛɛ la ka a tenga na sɛredirebe a di a sɛrɛɛ velaa ka a yelmengɛ gaa a neɛ na deme nang kpɛ zie a seng lɛ a tenga lɔɔ nang manne bing.

Dorɛ 9

Neɛzaa ba seng ne ka ba deɛ bone nyɔgoo gaa te page kyɛ ba di a sɛrɛɛ, bee ka ba diguu bare ka o yi gaa teng-yuo a te kpeɛrɛ.

Dorɛ 10

Neɛzaa nang sãã yeli, a ferɛɛ la ka a tenga na sɛredirebe di o sɛrɛɛ neng-yaga poɔ ka nɔnne boore kyebe a sɛrɛɛ nga ba nang dire a na nye bone na yeli o nang sãã poɔ.

Dorɛ 11

Neɛzaa ba nang nyɔge yeli kang poɔ a na di o sɛrɛɛ ko na pɔge nyɛ dɔgrong a poɔ, a ferɛɛ la ka a

sɛrɛɛ de ka o ba sãã yeli, a ta lɛ sang ba nang di o sɛrɛɛ yeng poɔ a te nyɛ bang ka o sãã la yeli. A o sɛrɛɛ diibo na meng poɔ a ferɛɛ la ka ba k'o sori ka o bɔ bone na zaa nang na toɔ song o ka o yeli faa o mengɛ.

Ba kong toɔ nyɔge neɛ zaa nang sãã yeli nang taa dɔgrong; yeli o nang e, bee o nang nage o vuo na poɔ, a yeli na o nang e, bee o nang nage nang da ba waa yelsããna nang boɔrɔ dɔgrong a lɛ sang onang da e a yeli bale, bee ka ba ko o dɔgrong nang waa tuo gang a dɔgrong na nang da bebe ka ba da ko o a lɛ sang o nang sãã a yeli bala.

Dorɛ 12

Neɛzaa ba taa sori a bonnɔ kpeɛɛ o tɔ yɛlɛ poɔ, bee o die yɛlɛ poɔ, bee o yiri yɛlɛ, bee o gama yɛlɛ, bee ka o sãã o tɔ yosong ane o eveɛle. A ferɛɛ la ka a lɔɔ guuro neɛ zaa a dɔɔne ama taaba poɔ.

Dorɛ 13

Neɛzaa taa sori ka o yoɔrɔ gɛɛɛ benɛɛ zaa o nang boɔrɔ, bee ka o kpeɛɛ benɛɛ zaa o nang boɔrɔ a tenga toribogri poɔ.

Neɛzaa taa sori ka o yi tenga kang zaa poɔ, bee o mengɛ tenga poɔ a kyɛ leɛ wa a o tenga poɔ.

Dorɛ 14

Neɛzaa taa sori ka o yi tenga na poɔ ba nang boɔrɔ o dɔgroo, bee o koobo a gaa tenne mine a na te nyɛ popeɛlong.

A sobiri nga kyebe neɛ nang sãã yeli yelmengɛ ka ba boɔrɔ o ka ba di o sɛrɛɛ ka a yɛlɛ na o nang sãã ba e votu yɛlɛ bee yɛlɛ nang ba tu a Tendaa Langkpong yɛlɛ sobie ba nang manne bing lɛ.

Dorɛ 15

NeEzaa taa sori a na waa enga kang paalong neE.

NeEzaa ba taa sori a na yeli ka neEkang ta be o tenga poɔ, bee ka o ta yi o tenga a gaa te kpeErE teng-yuo.

DorE 16

NeEzaa nang ta dɔɔ, bee pɔge, bale zaa poɔ, tenga zaa poɔ, puoru zaa poɔ, taa sori a na de pɔge, bee kuli serE a dɔgrɔ bibiiri. Ba zaang na sengtaa a ba kultaa yElE poɔ a ta lE sang ba kultaa nang baare.

NeEzaa ba taa sori a fere noba ka ba kultaa; banang nang kulo taa yong na pEle poore a sage ka ba kultaa.

Dɔɔ ane o pɔge ane o bibiiri waa seng bombiri a tenga noba zie ka a fere ka a tenga noba ane a tenga nembErE kaara ba zu.

DorE 17

NeEzaa taa sori a na so boma o yong, bee ka o ne noba mine lang so boma.

NeEzaa taa sori faa neE boma o nang so.

DorE 18

NeEzaa taa a sori na teErE yElE a seng o nang boɔrɔ lE, a tuuro o yEng wuluu, a puoro puoru na zaa o nang boɔrɔ; o la taa la a sori meng a na leEre o puoru ane o teErong; o na toɔ e la lE o yong, bee a lang ne noba yeng poɔ, bee o yong zie. O la taa sori meng a na e ka o puoru yElE sãã noba zie. O taa sori na wullo noba a o puoru yElE. O taa sori tuuro a o puoru nga sobie zaa a seng lE o nang boɔrɔ.

DorE 19

NeEzaa taa sori ka o teEre ka yeli kang waa ngaa bee o ba waa. O taa sori meng na yeli a yeli na yElE. O la taa la a sori meng ka o teErE ka yElE mine waa ngaa, kyE ka neE zaa ta fere o a o teErong na poɔ. O taa sori meng ka o bɔ a kyE nyE yelpaaba nang yire zie zaa waana, ka a gangnEE toribogri bee ka a ba gangna o taa

la a sori.

Dorɛ 20

Neɛzaa taa la a sori ka o poɔ noba nang langtaa ane teɛrong velaa. O la taa la sori ka o kpɛ langne zaa.

Neɛ kontoɔ fere neɛzaa ka o kpɛ langne kang poɔ.

Dorɛ 21

Neɛzaa taa sori k'o poɔ a tenga gɔbenɛnte yɛlɛ poɔ o mengɛ bee ka o poɔ iri noba ka ba lɛɛ o zu.

Neɛzaa taa sori ka a tenga poɔ bone na zaa nang bebe ka ba de sonnɔ ne a noba ba yeli zaa poɔ k'a tara o meng.

A gɔbenɛnte fang a tenga poɔ na yi la tenga noba boɔrɔ zie. A sobiri na a noba nang na mang tu ka ama nyɛ eebo la ka ba manne bing ka ka vuo kang poɔ k'a noba mang taa neng-iri ka finnuu kyebe a neng-iri nga poɔ; k'a banang zaa nang ta noba a taa sori na iri a noba nang na lɛɛ ba zu a tenga gɔbenɛnte poɔ. A neng-iri sang neɛ zaa ba taa sori na nyɛ o tɔsoba nang boɔrɔ k'o iri neɛ na.

Dorɛ 22

Neɛzaa waa la a tenga zu noba neɛ. A ferɛɛ la ka o tenga kaara o zu; o la taa la sori meng ka o nyɛrɛ a o tenga tɔnɔ ka a song o ka o nyɛrɛ emmo a seng nengsaala; ka o engɛ ane o yɛng yɛlɛ meng kyɛnɛ velaa.

Dorɛ 23

Neɛzaa ta sori ka o taa toma tonɔ. O taa sori meng ka o iri toma na o dang boɔrɔ. Sori bebe meng la, ka ka o toma zie ane o toma zie yɛlɛ veɛlɛ. Sori bebe meng la ka o taa toma tonɔ a ta yoɔrɔ weɛ lɛ.

Neɛzaa, ka gyegru kyebe taa sori ka o nyɛrɛ san-yɔɔ a seng banang zaa meng nang tonɔ a tong-bale.

NeEzaa nang tonɔ toma taa sori a naa nyErE a yɔɔre ka a seng o ne o pɔge ane o bibiiri; ka a seng ba ka ba na toɔ nye bone na zaa a nang ferE nengsaala ka o taa waa nengsaala.

NeEzaa taa sori ka o piili tontonema langne. O la taa l'a sori ka o kpE tontonema langne nang na song ka o guuro o toma.

DorE 24

NeEzaa taa sori ka o nyE penno kyE ka o pennoo sang ka o taa sori a erE lE o poɔ nang pElle. O la taa sori ka ka o ta tong toma a te gang gammo kang. O taa sori meng na nyErE pennoo bebie a o toma zie kyE nang nyErE san-yɔɔ a pennoo bebie na poɔ.

DorE 25

A ferEE la k'a tenga nyE ka benee dɔɔ ane o pɔge ane o bibiiri nang kpeErE seng ne ba eng-maarong nang boɔrɔ lE, ka ba nyErE bondiri ane bonsuuri, ka ba kpeEbo zie ane ba laafeE yElE veElE. Ba taa l'a sori meng ka sang kang wa ta ka ba ba la taa san-yɔɔ toma, bee ka ba beErE, bee ka yeli kang e ka o kong la toɔ tong toma bee ka o serE, bee ka pɔge kpi kyE kyEre o yong, bee ka o kore zuo a kong la toɔ tong toma, bee ka yeli kang e ka o deE kong la toɔ bɔ bondiraa o mengE, a ferEE la ka a tenga na o nang be kaara o zu.

Bimamine ane bibiiri nang nang baara, a sengEE la ka ba kaara ba zu kyE sonnɔ ba. Bibiiri zaa, ka ba ma ne ba saa de la taa kyE dɔge ba bee ka baba de taa kyE dɔge ba meng na nyErE la a sommo nga bale.

DorE 26

NeEza taa sori ka o bang gane. A gane zanno piilu sang a da seng ka yɔɔre kyebe. A ferEE la ka neEzaa zanne gane belaa a ta taabo kang. A da ba seng ka neEzaa wong tuo kyE nyE nuuri-toma zanno, bee gama-toma zanno. A da sengEE la ka banang nang na toɔ meng ta wong tuo kyE nyE zanno nang do yaga.

A da sengEE la ka gane zanno kyaara nensaala mengEmaalo yElE a kyE sonnɔ nensaala mengEsoobo sobie

yElE a kyE sonnɔ yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyɔge taa baalong a kyE e ka a Tendaa Langkpong yElE kyEnE ka maarong be a tenga zu.

Saamine ane mamine taa a sori a na de weŋ dang iri benee ba nang boɔrɔ ka ba bibiiri gaa zanne gane.

DorE 27

NeEzaa taa sori ka o poɔ a tenga tengkoɔ yElE poɔ a meng wong a noba nuuri-toma noɔ, kyE nyErE tɔnɔ nensaala yEng nang song o ka o maale, bee ka o e ka bone na zaa waana ne noɔ bee tɔnɔ.

NeEzaa nang de o nuuri, bee o zu a tong ne toma ka a yire tɔnɔ mine, a ferEE la ka a tenga ta vEng ka neEzaa finne o a toma na poɔ.

DorE 28

A da sengEE la ka a yElE ama ba nang manne bing a kyE a nyE eebo, ka benee zaa tenga zu kyE neE nang kpeErE na toɔ so o mengE kyE kpeErE ne popeElong.

DorE 29

NeEzaa taa la fero toma o taaba zie benee o nang kpeErE. A lEng na song ka o mengE nyE maalo.

NeEzaa nang so o mengE, a wonno o mengEsoobo noɔ, yeli zaa ba kyebe a na pigi a o mengEsoobo nga sori see ka tenga nang manne bing lE naane, a lɔɔ na meng na waa la lɔɔ nang na vEng ka nensaala nyE emmo kyE so o mengE, a sonnɔ ka nensaaba erE eveElE, a e ka marong be noba nang lang kpeErE zie kyE erE ka noba zaa kpeErE velaa ba tenga poɔ, ka ba meng taa noɔre a ba tenga maalo yElE poɔ.

NeEzaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing lE.

DorE 30

Tenga zaa bee langne zaa bee neng-yeni zaa ba taa sori a willi a yɛlɛ ama ba nang manne bing a kyɛ; ka a
waa seng nga a yɛlɛ nga ko ba la sobiri ka ba tong tone zaa bee yeli zaa nang waana ne nensaala
mengasoobo ane o yelisoore noɔ̃ wommo ba nang manne bing a kyɛ sããbaro.